

局志 1261

74659

10

卷首

新序 舊序

志原 凡例

重修姓氏

卷一

方輿志一

地
140.43
42
21-10
-13

重修新城縣志 甲

民國二十二年癸酉重修

新城縣志

濟南平民日報社承印

重修新城縣志序

修志非易言也新城縣志續修於康熙癸酉距今閱二百四十年此邦先哲所輯後志稿暨道咸同光以來歷次續稿雖規模略具卒以逡巡日久未獲成書蓋志之作也凡山川風土禮樂兵農古今沿革事變至繁極重積時愈久釐定愈難今欲補闕拾遺垂諸圖牒非一手一足之烈所克濟事也夫政事之成其始必有所甚難而其後乃閱久遠而不敝震撼驚疑之所歷艱難勞苦之所嘗精神意慮之所殫苟非往復慎重覈實求詳奚足以竟前人之事功而成一邑之掌故哉勵杰以寡陋適承其乏竊幸此邦文學之士咸兢兢以保存文獻爲先務大懼典籍

重修新城縣志

袁序

一

廢墜無以示來茲乃由王君貢忱陳君興炎宋君獻廷主編輯胡君冠峯耿君筱琴主事務張君振先張君升麟田君希海宋君春亭主調查各貢其熱忱毅力經營慘淡不期年而告厥成功仁者先難後獲殆於此見端焉耳嗟呼自載籍以來郡邑何在無志其最善者獨稱楊升菴之志蜀趙浚谷之志平涼爲其得班史之體格兼歐陽之文章也新城爲人文淵藪風流遺韻代有名賢此編之存安見今必異乎古所云也

中華民國二十二年九月前桓台縣縣長袁勵杰敘

重修新城縣志序

中華民國紀元二十有二禩歲在癸酉孟春之初余由觀城量移桓台下車聿始簿書鞅掌考文徵獻未遑也繼聞邑中耆宿重修縣志行且成書矣余既喜文獻在茲足以紹前徽而昭來裔又喜耆紳先生用力之勤詳考其風俗文物之盛政治得失之故俾爲治者之有所取資也蓋余數權縣篆每以文獻無徵是懼倡修縣志者屢矣皆議而不舉焉今前令袁公議修新志諸耆宿卽分力合作考訂舛訛增補闕佚採訪筆削一年而觀成且體例詳明言簡意賅較舊志有加焉向非邑中賢達知志書關係文化之重孜孜懇懇同力合作奚克有濟大凡一邑之

重修新城縣志

張序

治成一善舉令之所係猶淺邑中賢者能者和衷共濟乃爲自治根本也茲志已告成余躬逢其適何力之有焉惟有益自勗勉期副邑人望治之殷更望令斯邑者知修志之全賴衆力凡百舉措能使邑中賢者盡力則得矣且余尤有言者縣皆有志而善本絕少官修之善者尤罕見如康對山之武功志數百年來名海內焉蓋對山以武功人修武功志以其文學識力用於其鄉言近旨遠非無關於其鄉者所能道也今新志成於邑中諸賢之手且爲吾魯縣志之善本焉是則諸君修志之功之不可沒者余樂書其事著於篇後之來者有所考焉其在事諸君銜名略具於前縣長袁先生暨邑宿郝先生序中茲不再贅

中華民國二十二年十月桓台縣長陽毅張儒玉識

重修新城縣志

張序

二

一

重修新城縣志序

清康熙中新城縣令崔侯修志之年歲在癸酉歷二百四十年至於今日歲又在癸酉重修告成意冥冥之中亦有數存於其間耶不然乾嘉道咸之世新城已更數十令崔侯之後竟無再如崔侯者乎新城夙號望縣人才輩出著作等身者亦不乏人何竟無一人焉關懷桑梓筆之於書而傳之於後乎後有作者一則曰後稿再則曰續稿但彙輯存卷而已迄未梓行此何故哉是天特留此重大難行之事故爾遲延歲月以俟諸今日也雖然今日之困難更十倍於曩昔矣自古著述家以志乘爲最難何者志乘必須徵文考獻確實有據然後可以信今而傳後

重修新城縣志

新序

今上承二百四十年之殘缺廢墜茫茫焉毫無所依欲於一旦之間補之葺之以存一邑之掌故其誰能之而誰主之所以修志一事邑人屢次集議輒復報罷者爲此也後稿續稿屢次著手進行卒致有初鮮終者亦爲此也愈延愈久愈無徵世代迭更老成凋謝後顧尙堪設想乎民國壬申宛平袁寄萊先生以名儒來尹茲土聽政之暇詢悉情形極力提倡并檢卷得後稿及續稿共十一册發交士紳以爲依據且曰續修正在此時切勿延緩其論始定於時公推王君貢忱任總纂陳君興炎宋君獻廷任編輯并延縣中有聞望者數人任調查恐有挂漏又添委四區長及各鄉鎮長就近采訪勸理其事胡君冠嶺則兼綜

各部事務博訪周諮往來商洽左右而攸助之凡十閱月告竣
噫何其易也予始畏其難今反覺其易非易也諸公分任其勞
我坐享其成故覺其易也因思是事也予嘗有志焉而未之逮
畏難故耳茲以遲暮之年猶幸得與諸君子同觀厥成藉償平
生之願其愉快爲何如耶雖然予猶有所疑焉疑夫後稿續稿
距今日或百餘年或數十年皆以畏難故中止而俟諸今日此
其中必有默爲轉移者予故曰前志之成也以癸酉年今日之
重修也又以癸酉年而成前後遙遙相應是必有數存於其間
非盡人力所能爲也

中華民國二十二年歲次癸酉秋八月邑人郝毓椿撰

重修新城縣志序

新城建縣以來志凡三修嘉靖天啟兩本都不省見其僅存者惟康熙癸酉襄平崔侯志然亦殘缺漫漶不可卒讀迄今蓋二百四十年云在此二百四十年中風俗之移易若何物力之盈絀若何典章制度之沿革吏治人文之盛衰又若何記載闕如觀感無自生斯土者貽文獻不足之羞蒞茲邑者有杞宋無徵之嘆夙號望縣而典籍廢墮至此豈非大憾事哉民國紀元之二十有一稔邑人士僉議序修而艱於謀始時宛平袁寄萊先生長邑政極力提倡進紳董僚屬於庭語以茲事之不容再延而修志之議乃定是冬成立事務編輯兩部而以

宋廷等廁編

重修新城縣志

新序

次之役自維學殖荒落曷克當此然事關公誼又弗敢以不文辭爰追隨諸同人後檢閱鄉先哲所輯後志稿暨道咸同光以來歷次續稿義例謹嚴一如崔志而俱未成書夫乾嘉道咸之世邑多賢尹修墮興廢應易易耳顧志已脫稿而迄未梓行意必有種種困難非言可喻者不僅在人才物力間也今承歲久失修之後情殊勢異困難有加同人等受事以來幾經籌商訂定體例謹將崔志後稿續稿及今次調查所得合併整理治爲一爐疑者信之闕者補之繁蕪者節之譌訛者正之文字不無增減體例略有變更不標異不苟同實事求是有改無削損益進退罔或擅僭焉篇中方輿建置賦稅典禮係陳君興炎編輯

選舉人物列女恩卹由宋君獻廷分任宋廷亦時貢其一得之
愚參加意見間爲小序其職官金石藝文雜識則宋廷所編次
而是正於陳宋兩君者名爲分編實皆合作是役也袁縣長主
持於前今縣長陽穀張德如先生督飭於後又得邑人同情假
以便利不期年而觀厥成視後稿續稿之迄未梓行者宜若可
以自慰然而丁茲時局物力維艱我父老兄弟不惜出血汗之
資應此等非急之需者爲文獻故也言念及此又浸浸然汗下
矣搜佚訂殘容有裨於文化繩愆糾謬是所望於後賢
中華民國二十二年歲在癸酉秋八月邑人王案廷識

重修新城縣志序

新城縣始於元志始於明一修於嘉靖再修於天啟書雖缺有間原序可徵也洎乎有清復修於康熙中葉鑒定者爲漁洋先生與修者爲梁溪嚴子傳董其事者則邑令崔君黍谷實官修也自康熙癸酉迄宣統辛亥歷年二百一十有八其間政教之設施風俗之轉移名臣碩儒之蔚起縷述難窮何難哀集成帙光前烈而詔來茲乃雍正乾嘉間有漢渡先生之後志稿道咸同光間有歷次續稿彙存多而修飾鮮迄未付梓其所以躊躇未果者當不僅在事蹟人文與物力間也迨至國體變更歲逾兩甲絕續之交文獻易湮同人有鑒於茲提議重修商之縣長

重修新城縣志

陳序

暨全縣人士咸表同情而重修之議以定並推貢忱主編輯而以舉及獻廷佐之舉學植素淺且久荒何足以語於斯第義不容辭輒以管蠡之識勉效壤流於是重修之工以啓夫邑志者邑史也昔孟堅以典贍著承祚以高簡稱歐陽永叔之新唐書以事增於前文省於舊自詡雖得失參半要皆不肯乎謹嚴而已固陋如舉萬不敢妄希古人竊欲本斯意以從事迭經商榷耽思旁訊不避僭妄之譏遂取舊志續稿刪繁去複冶爲一爐隸事務根據屬詞求簡覈蓋其慎也顧古之作者類皆有良史材而又假以歲月然後成爲一家之言舉良書限於聞見香集等於急就安知無誤解踳鴟妄塗金根之謬是可以自信者未

必可以共信也訂訛補闕尙有待於後之君子是爲序
民國癸酉六月二十五日陳舉長謹識

重修新城縣志

陳序

二

嘉靖舊志序

胡應鳴

水年八本
縣知縣

夫志者政之紀也存往昭來以辨物土以觀民風以資吏治蓋在郡邑咸弗可闕焉者也余始至新城承彫敝之極欲圖經理之方漫無可稽歲餘以志訪於鄉大夫僉曰吾邑志無傳久矣粵自元人始割於陵高苑地置縣國初典故散軼罔有作者成化間邑人同知于利知縣成儒始創志略嘉靖壬辰歲經歷王吹光知縣宮政績續編志稿近年前峯鄒公復命監生魏智庠生于牧取前志重編之諸君留心縣治非不勞且勤也顧經理者慮其費圖事者怠于成率皆未梓迄今益湮矣余曰有是哉茲邑之闕也夫籍以載典典以昭式政之大節也昔者孔子論三代之禮惟文獻是徵重修新城縣志

序

一

蓋重之也若爾頽廢後將何徵歸而謀諸邑佐張君師曾蘇君仕許君榮咸以余言爲是相承和衷期底于成時則職邑教陳君仕李君廷球許君愷訪求故實以備參考復延舉人王子之垣監生宮子敬庠生邢子質于子三聘李子鶴福吹子錚于子三善成子績王子之干畢子昌等十人相與博考郡省一統諸舊志而日分釐之不逾月而就稿余復刪繁理亂疑者信謬者正頽廢者修矣夫是志也豈其文具已哉余又謂有思道焉於方輿見形勝之概焉可以思守於食貨見稼穡之艱焉可以思節於官職見責任之重焉可以思勸於學校見化成之本焉可以思興於禮儀見人文之貴焉可以思飭於人物見賢哲之光焉可以思重於外志見博

識之義焉可以思蓄於藝文見典籍之寄焉可以思考若乃戶口之敝力役之繁經費之多又余夙夜深思亟欲扶持而全安之者也天志豈徒作哉第恐闕之百年成于一日猶未免襲陋就簡而於民生利害所關未必能籌畫曲當可以傳之有永也是又俟大雅君子潤色焉爾矣捐俸鉅梓庸識修志之意

天啟舊志序一

張必大

華州人本
縣知縣

周官凡五史而掌四方之志者居一焉志也者志其山川風物政治之大略即史之餘也新故有志在世廟三十有七年前令胡公所輯今逾六十禩矣字跡模糊不可曉余視事以來每以此中凋慙頽陋之狀焦然軫慮恨未能旦夕更始竊自嘆曰新邑諸事之

重修新城縣志

前序

二

趨於廢卽一志猶然由托鳧者蓮廬相視不任其役吾奈何復俟後人迺亟思釐正而自媿穀音鷺羽食生未化不無貽媿豕渡且蓮天揀黨餘孽未熄菟簡防禦心手交瘁曷遑貫餘勇握紀載之管時禮曹王公練經家居敬屬之博綜集思撫軼謀野而鑄以意匠非楮葉爲工者暨脫稿而殘者整穢者新缺者備略者詳大巫見示適獲我心蓋彬彬然一方之掌故矣自是山川之表隘風物之淳漓政治之得失已如白堊丹雘觸目易辨用以備他日史乘之採擇庶不至如杞宋之無徵不覺低回歎息者再四新邑地瘠而斥鹵居十之九小民力役胥折星攢分積以應上需勢不能無延欠稍迫之有棘戶走耳諸凡調停興革一勞永利之議非不饒

口敝舌然人情多憚慮始而又目笑爲迂故其事有百難無一易而其難在今日倍浮往昔後有能爲百姓請命者覽是志得無有慨萬一乎而能復周官制作者王公之功不可泯也

天啟舊誌序二

王象晉

聖天子御寶錄之二三年京兆張侯以名進士來視邑事甫下車觀里閭之蕭條軫民生之凋瘵念邊疆多故鄒兗蓮賊肆虐之餘徵賦旁午瘡痍未甦慨然欲噢咻吾桓而衽席之如緩催科勤撫字重學校申保甲嚴夜禁躬巡行省詞訟革衙蠹冰心藁守甘雨和風凡可爲小民紓旦夕之命者不啻痛癢之在躬而調護抑搔之恐後閱明年治化大行一日貽書不佞曰國有史邑有志標懿紀

重修新城縣志

卷序

三

愚聲往詔來吏茲土者將藉手法戒以無牝政新邑之志逾六十年矣無論簡編漫漶字畫魯魚而近事闕如安所按要領以施補救殺青之役敢以煩吾子不佞唯唯謝不敏者再已而思舊志之作雖命自胡侯採自前詒時先少師司徒公爲孝廉實董正之嗣是而後一修於歸安錢侯秉筆者歛之程生可中再修於扶溝馬侯分任者邑人張計部羽鳳沈二府庭英楊州守起震周大尹沃身張孝廉徽猷暨諸生耿鳴陽崔雲章等不佞象晉綜藝文家弟吏部象春銓人物雖優給筆札延歷歲月卒以渙而無統未臻厥成今諸君相繼物故篇章散失卽千百什一之僅存以語全書無當也計故實而繼先業績斷簡以竟前功予小子何敢讓焉於是

黽黽孳孳稽歷年之憲典探耆宿之帳秘察陵谷景物之更變究
民風士習之隆汙參酌於計部君及良復諸弟家兄霽宇家弟象
春又爲之刪其繁冗至於筆削更正釐然秩然一惟侯之椽筆是
藉封疆域民厥有分土故首方輿疆界既正營造斯起故建置次
之宮室攸寧生養宜先故食貨次之安居粒食教化宜急故典禮
次之敦典善治厥維良吏故官師次之建極作人風化聿新故選
舉人物次之賢哲矜奮天寵洵加故恩賙給音次之探蹟索隱考
異占祥故綜織又次之至於鴻文大册貝帙珠函所藉以闡揚故
實昭示來許故以藝文終焉爲帙六爲圖五爲卷十四爲綱十二
爲目九十有五上下數百餘載首尾十餘萬言一切可頌可傳可

重修新城縣志

卷序

四

勸可戒之已事靡不備載而吾邑文獻大略可觀已夫當舊志之
作也時方國運恬熙物力豐衍號稱中興盛際而胡侯業已致慨
於戶口之耗力役之煩經費之冗劇矧至今日羽檄風馳徵督電
急葦爾彈丸之桓亦且與通都大邑別膏髓而供車需能無顛連
困憊而嘆匪民乎嗟嗟予邑幅員非加廣也而賦日倍土田素荒
瘠也而又重以頻年之災肯麗土之毛原無珍奇瑰異可開利於
四方也而俗尙侈靡日新而月異宜我侯當饋三嘆亟亟焉欲拯
濟而安全之也侯留心民瘼移風易俗興廢舉墜詎止一邑乘之
爲兢兢凡我士民其尙飭躬砥行景前修而垂後範無貽羞山川
之靈卽所爲無負我侯者也

舊志序一

崔懋 襄平人本縣知縣

新城邑志自明季修輯以來迄今垂七十年矣舊板殘闕失次幾同杞宋之無徵昭代文物典章尙爲誌載所未及每當檢閱之時尋章摘句不勝遺失興嗟或遇輜軒所至問俗採風殊苦抄謄難就余當受事伊始慨然有意重修歷因水患頻仍諸務未遑興舉嗣遇聖朝誕敷文教特命史臣修一統志而東省通志濟南府志相繼纂修凡奉徵採之文益屢蒐羅之力遺亡略備而聞見稍集矣因思邑各有志而鼎建以來纂修之最急者無過新城而勝事之可記者亦莫若新城何則封疆首重於山川追溯元明以來小清一河汜濫衝決而民苦昏墊大獄屢興自修濬故河下流入海

重修新城縣志

卷序

五

而億萬年之大患從此而悉除矣國家大事在賦役恭遇聖駕東巡蠲租發粟民年七十以上賜帛有差優免一丁俾得侍養又臨德倉米輓運維艱自改折給餉軍民兩便是千百世之曠典一旦而遭逢矣操觚而應試者父子蟬聯昆仲鵲起一榜五成進士十年三冠賢書科目之鼎盛何如也摺笏而登朝者內掌邦教外任巡方司銓諫而秉文衡領度支而光翰苑人物之挺生何如也當今重華出治岳牧分猷薄賦緩徵積穀備賑則休養生息之澤靡不遍周閭閻而戶口日增革省差徭勸諭開墾則耕食鑿飲之儔皆得盡力農畝而土田益闢且也宣聖諭以啟愚蒙秉王章以化頑梗德威並著教養兼修懋雖不材罔敢自逸爰見學宮傾圮而

捐貲修葺廟貌克觀維新念風俗囂漓而置產延師義學庶規久遠若夫徵品行於當代考文學於藝林即通都大邑有未易及者而可不揚挖其盛與今夫典守責在有司而舊章不無廢墜者蓋有所由來矣當其一麾出守百里初膺士俗民情未能盡悉一轉盼而考績及矣賢者超遷愚者罷黜不旋踵而謝事去矣即此蕞爾桓台歷數從前守土不四十年更十七令視官曹如傳舍涉案牘之紛煩方苦出入戴星奚暇留心志乘哉懋謬膺簡命幸際昌期浩蕩難酬愧素餐於久任聖明無事稍得間於公餘躬講約而歷村鄉時辨遺文於殘碑斷碣勸農桑而親隴畝或諮軼事於父老傳聞當此文獻可徵商確有藉倘復自安固陋留待來茲無乃重修新城縣志

舊序

六

抱疚隱微而貽譏瘵曠乎用是博採羣言纂修脫稿而復就正有道討論成書謬叨握管之司得廁名於附驥幸藉諸賢之教冀免誚於續貂闡故拓新備參通例分門別類略襲原文事涉聞見互殊務在徵實傳信制有今昔頓異不無僭筆增刪分綱十有一條計目六十有九自慚椎魯何當誌乘之林不揣荒蕪聊盡職司之責云爾

舊志序二

王士禎

誌者誌一方一郡一邑之故而已然其體實昉於經史昔大禹既奠高山大川爰作禹貢首紀山水次及田賦次及貢篚周禮土訓掌地圖誦訓掌方志所謂圖志者雖不可考而其見於職方氏掌